

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-25934/18
Sarajevo, 18.02.2019.godine

Na temelju člana 64. stav (1) tačka b) najniža cijena, članova 25.,32. i člana 70. stav (1), (3) i (6), člana 123. stav (1) i (2) Zakona o javnim nabavkama ("Službeni glasnik BiH", broj 39/14), a u skladu sa članom 3. stav (3) Pravilnika o uslovima i načinu korištenja E-aukcije i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.05.2018.godine, a na preporuku Komisije za javnu nabavku radova Općinski načelnik, d o n o s i :

O D L U K U

o izboru najpovoljnijeg ponuđača u predmetu - Izvođenje radova na sanaciji objekta u okviru Centra za edukaciju, sport i rekreaciju "Safet Zajko" u cilju prilagođavanja za drugu namjenu (svlačionica sa igralištem)

I

Prihvata se preporuka Komisije za javnu nabavku radova i okvirni sporazum za javnu nabavku u predmetu - Izvođenje radova na sanaciji objekta u okviru Centra za edukaciju, sport i rekreaciju "Safet Zajko" u cilju prilagođavanja za drugu namjenu (svlačionica sa igralištem), broj obavještenja 422-1-3-315-3-177/18 objavljenom u Službenom glasniku br. 1/19 dana 11.01.2019.godine i na Portalu javnih nabavki Agencije za javne nabavke BiH dana 28.12.2018.godine, dodjeljuje se ponuđaču BOSMAN doo Sarajevo, sa ponudenom cijenom za okvirni sporazum u iznosu od 879.890,17 KM sa uračunatim PDV-om.

II

Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda i Zapisnik o pregledu i ocjeni ponuda Komisije za javnu nabavku radova sa preporukom za dodjelu okvirnog sporazuma u spisu.

III

Zadužuje se Služba za zajedničke poslove, da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te nakon isteka žalbenog roka pripremi okvirni sporazum i dostavi Općinskom načelniku na potpis.

IV

Obavezuje se ponuđač iz tačke I ove Odluke da u roku od 5 (pet) dana od zaprimanja iste, dostavi dokumente tražene u podtački 3.1.3. tenderske dokumentacije, a u skladu sa članom 45. stav 2. tačka od a) do d) Zakona, kao i dokumente Potvrda od Centralne banke BiH o stanju računa i Bilans uspjeha za posljednje tri godine, koji su traženi u podtački 3.3.2. stav a) tenderske dokumentacije, koji se odnosi na ekonomsku i finansijsku sposobnost. Svi dokazi/dokumenti koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

Konstatujemo da je ponuđač iz ove podtačke dostavio Izjavu o ukupnom prometu ponuđača za period od posljednje tri godine, koja je ovjerena od strane nadležnog organa, te se oslobađa nakadnog dostavljanja iste.

Obrazloženje

Postupak javne nabavke pokrenut je Odlukom o pokretanju postupka javne nabavke u predmetu Izvođenje radova na sanaciji objekta u okviru Centra za edukaciju, sport i rekreaciju "Safet Zajko" u cilju prilagođavanja za drugu namjenu (svlačionica sa igralištem), br. 02/12-23-25934/18 od 27.12.2018.godine. Procjenjena vrijednost za predmetnu nabavku iznosi 752.136,75 KM bez PDV-a i 880.000,00 KM sa PDV-om. Javna nabavka provedena je putem otvorenog postupka za dostavu ponuda br. obavještenja 422-1-3-315-3-177/18 objavljenom u Službenom glasniku br. 1/19 dana 11.01.2019.godine i na Portalu javnih nabavki Agencije za javne nabavke BiH dana 28.12.2018.godine.

Zapisnikom sa otvaranja ponuda od 23.01.2018.godine Komisija je utvrdila da su u ostavljenom krajnjem roku za otvaranje ponuda, blagovremeno i propisno upakovane dostavljene dvije (2) ponuda i to od strane ponuđača Bosman doo Sarajevo i Debos doo Sarajevo. Zapisnik sa otvaranja ponuda dostavljen ponuđačima na fax.

- Analizom ponude ponuđača Debos doo Sarajevo, Komisija je utvrdila slijedeće:

U podtački 4.2. Sadržaj ponude stav 11) ; podtačka 3.4. stav 2) tenderske dokumentacije, traženo je dostavljanje dokaza o stručnoj spremi zaposlenog lica diplomiranog inženjera građevinske ili arhitektonske struke sa radnim iskustvom u struci od najmanje 5 godina.

Uvidom u dostavljenu dokumentaciju za diplomiranog inženjera građevine ponuđača Debos doo Sarajevo, Komisija je utvrdila da ova ponuda ne ispunjava uslove iz tenderske dokumentacije, jer isti ne posjeduje radno iskustvo u struci u trajanju od najmanje 5 godina. Uvidom u dostavljene diplome, Komisija konstatuje slijedeće:

- iz kopije diplome broj 1138/2005, utvrđeno je da je navedeno lice u 2005. godini steklo zvanje više školske spreme - građevinski inženjer. Uslovima iz tenderske traženo je zvanje visoke stručne građevinske ili arhitektonske spreme.

- za isto lice ponuđač je u svojoj ponudi dostavio i Diplomom broj 04-173/15-B izdatu od Fakulteta za tehničke studije u Travniku 31.05.2015.godine, smjer građevina. Ovom diplomom osoba je 20.12.2014.godine, završila I. ciklus studija visokog obrazovanja u trajanju od tri godine, te stekla zvanje Bachelor/Bakalaureat/inženjer građevine sa osvojenih 180 ECTS bodova.

- Uvidom u diplomu br. 04-36/17-M izdatu od strane Univerziteta u Travniku, Fakulteta za tehničke studije, navedena osoba odbranila je magistarski rad 29.10.2016.godine i stekla akademsko zvanje diplomirani inženjer građevine – uža naučna oblast niskogradnja.

Iz diploma koje su priložene kao dokazi, evidentno je da ovo lice ne posjeduje traženo radno iskustvo u trajanju od najmanje 5 godina, sa zvanjem diplomiranog inženjera građevine, od momenta sticanja diplome sa VSS (visokom stručnom spremom) do momenta podnošenja prijave za predmetnu nabavku 23.01.2019.godine. Iz navedenih razloga, ova ponuda je odbačena i nije bila predmet dalje analize i vrednovanja.

Komisija je pristupila analizi i procjeni dokumentacije priložene uz ponudu Bosman doo Sarajevo, te je utvrdila da je ista potpuna i da ispunjava formalno-pravne i kvalifikacione uslove tražene u tenderskoj dokumentaciji. Komisija je izvršila i računsku kontrolu prihvatljive ponude, te konstatovala da ista ima slijedeću računsku grešku:

- Na stranici 25 Vaše ponude: "13. Nabavka, transport i ugradnja ispod cijevi za odvodnju, (pijesak) d=12 cm.... " stoji 33,82 30,00 1.014,48, a treba da stoji 33,82 30,00 1.014,60.
- Na stranici 25 Vaše ponude: "UKUPNO ZEMLJANI RADOVI" stoji 70.331,31, a treba da stoji 70.331,43.
- Na stranici 26 Vaše ponude: "III. BETONSKI I AB RADOVI; 2. Nabavka materijala, transport i betoniranje temeljne ploče dim. 180x190x60xcm.... " stoji 16,88 180,00 3.038,76, a treba da stoji 16,88 180,00 3.038,40.

- Na stranici 27 Vaše ponude: "III. BETONSKI I AB RADOVI; 5. Nabavka transport i ugradnja betona MB 30 za betonske zidove ograde igrališta..." stoji 22,14 230,00 5.092,97, a treba da stoji 22,14 230,00 5.092,20.
- Na stranici 27 Vaše ponude: "UKUPNO BETONSKI I AB RADOVI" stoji 34.560,43, a treba da stoji 34.559,30.
- Na stranici 29 Vaše ponude: "SVE UKUPNO A (I+II+III+IV+V) NOGOMETNI TEREN" stoji 433.588,79, a treba da stoji 433.587,78.

Gore navedene računске greške, uticale su na ukupan iznos ponude bez PDV-a koji nakon korekcije iznosi 730.138,72, iznos nepredviđenih radova (3%) koji nakon korekcije iznosi 21.904,16 i iznos PDV-a tako da, nakon korekcije PDV iznosi 127.847,29, a ukupna cijena ponude nakon izvršene računске kontrole iznosi 879.890,17 KM sa PDV-om. U skladu sa primjenom Zakona o javnim nabavkama, Komisija je dostavila ponuđaču akt kojim je traženo izjašnjenje na uočenu računsku grešku. Aktom br.067/19 od 15.02.2019.godine ponuđač je dao saglasnost na uočenu računsku grešku, te potvrdio da njegova ponuda sada iznosi 879.890,17 KM sa uračunatim PDV-om.

Nakon što je Komisija utvrdila da je jedna od pristiglih ponuda odbačena i nije bila predmet dalje analize i vrednovanja, a da je ponuda ponuđača Bosman doo Sarajevo prihvatljiva, a obzirom da je za ovaj postupak bilo predviđeno provođenje E- aukcije, odlučeno je da se postupi u skladu sa članom 3. Pravilnika o uslovima i načinu korištenja E-aukcije stav (3), odnosno da se ovaj postupak okonča u skladu sa članom 69. tačka 1. stav a) Zakona.

Za predmetnu nabavku provedenu putem otvorenog postupka dostavljene su dvije (2) ponude, od kojih je samo jedna prihvatljiva, računski ispravna i ispunjava kvalifikacione uslove tražene u tenderskoj dokumentaciji, te je shodno tome predmetni postupak završen u skladu sa članom 3. Pravilnika o uslovima i načinu korištenja E-aukcije stav (3) i članom 69. tačka 1. stav a) Zakona.

Budući da je Komisija pravilno i potpuno izvršila ocjenu prihvatljive ponude ponuđača Bosman doo Sarajevo, shodno kriteriju najniže cijene (tačka 5.1. tenderske dokumentacije) utvrđeno je da ponuđena cijena za okvirni sporazum iznosi 879.890,17 KM sa uračunatim PDV-om.

Obzirom na navedeno u cjelosti se prihvata Zapisnik o pregledu i ocjeni ponuda Komisije za javnu nabavku radova sa preporukom za dodjelu okvirnog sporazuma, te je odlučeno kao u dispozitivu Odluke.

Pouka o pravnom lijeku

Ponuđač/i koji su sudjelovali u ovom postupku mogu radi zaštite svojih prava i pravnih interesa, izjaviti žalbu ugovornom organu u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila
Enisa Babić, diplomirani pravnik

Općinski načelnik
mr. Semir Efendić

- Dostaviti:
1. Ponuđaču/ima- učesniku/icima postupka
 2. Služba za zajedničke poslove
 3. A r h i v i / u spis